

**ROSA ANA PRADA QUEIPO, SECRETARIA DO CONCELLO DE AMES NA
PROVINCIA DA CORUÑA**

CERTIFICO: QUE O PLENO DESTE CONCELLO LEVOU A CABO SESIÓN ORDINARIA O 27 DE NOVIEMBRE DE 2014, DESA REUNIÓN REDACTOUSE A CORRESPONDENTE ACTA QUE É DO TEOR LITERAL SEGUINTE:

**ACTA DA SESIÓN ORDINARIA LEVADA A CABO POLO PLENO DO CONCELLO O
DÍA 27 DE NOVIEMBRE DE 2014.**

No Salón de Sesiões da Casa do Concello de Ames, ás vinte horas (20:00) do día 27 de novembro de 2014, reúnese o Pleno do Concello en sesión ordinaria de primeira convocatoria, baixo a presidencia do Sr. Alcalde, **Santiago V. Amor Barreiro**, e coa asistencia das/os señoras/os concelleiras/os seguintes:

Grupo municipal Popular	Grupo municipal Socialista	Concelleiras/os non adscritas/os
Santiago V. Amor Barreiro M ^a Eugenia Martín Vicente Bernardo Moar Míguez Alfredo Taboada Alvelo M ^a Carmen Verde Leboráns	José M. Miñones Conde José Blas García Piñeiro M ^a Isabel González Cancela Jose Pazos Balsa Francisco Villaverde Marcos Carmen Fraga Crespo	M ^a Pilar Candocia Pita Xosé Anxo Doval Rey Susana Mayo Redondo Olalla Alvite del Río Ramón García Argibay M ^a Dolores Fernández Álvarez Manuel J. Ferreiro Santiago Alfonso Rey López María González Gómez Emilio Martínez Carballeira

Asiste o **interventor**, José Antonio Rueda de Valenzuela.

Actúa como **secretaria** a titular da Corporación, Rosa Ana Prada Queipo.

ORDE DO DÍA**A) PARA DAR CONTA:**

Punto primeiro.- Dación de conta ao Pleno da Corporación dos decretos ditados pola Alcaldía dende a última sesión plenaria ordinaria.

O señor alcalde, **Santiago V. Amor Barreiro**, informa á Corporación que os decretos ditados pola Alcaldía dende a última sesión plenaria ordinaria, estiveron á disposición de todas/os as/os concelleiras/os na Secretaría Xeral, engadindo que o acceso ós decretos é libre para todas/os as/os concelleiras/os, en calquera momento na Secretaría Xeral do Concello, así como nos distintos departamentos nos que foron elaborados e que ditos decretos foron remitidos por vía telemática ós señores/as concelleiros/as.

B) PARA DELIBERACIÓN E ACORDO:

Punto segundo. Aprobación, se procede, de actas anteriores.

Sometida a votación, a acta da sesión ordinaria de 30 de outubro de 2014, resulta aprobada por **maioría absoluta** do número legal de membros, coa abstención da concelleira María Pilar Candocia Pita (que se abstén por non ter estado presente naquela sesión), e dos/as concelleiros/as non adscritos/as Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira, e o voto a favor do resto dos/as concelleiros/as da corporación municipal.

Punto terceiro. Aprobación inicial da Ordenanza de emerxencia social municipal

do Concello de Ames.

(.....)

A concelleira **Mª Pilar Candocia Pita** solicita que quede enriba da mesa a aprobación inicial da Ordenanza de emerxencia social municipal do Concello de Ames.

Sometida a votación a súa petición, o Pleno da Corporación, por maioría absoluta do número legal de membros, cos votos a favor dos 6 concelleiros do grupo municipal socialista e dos concelleiros/as non adscritos/as Mª Pilar Candocia Pita, Xosé Anxo Doval Rey, Susana Mayo Redondo, Olalla Alvite del Río, Ramón García Argibay, Mª Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e a abstención dos 5 concelleiros/as do grupo municipal popular adopta acordo de que quede sobre a mesa a aprobación inicial da Ordenanza de emerxencia social municipal do Concello de Ames.

Punto cuarto. Participación no Plan provincial de cooperación ás obras e servizos de competencia municipal (POS) 2015.

(.....)

En relación a este punto da orden do día preséntanse dúas emendas, unha do grupo municipal popular e outra do grupo municipal socialista.

A emenda do grupo municipal popular é do teor literal seguinte:

Despois da reunión mantida o pasado día 25 de novembro relativa ao POS 2015 con membros da corporación, tanto do goberno coma da oposición, o Grupo Municipal Popular do Concello de Ames, en base ó disposto nos artigos 97.5 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, realiza a seguinte emenda ó respecto do punto nº 4 da convocatoria da sesión ordinaria do Pleno do Concello de Ames do día 27 de novembro de 2014 relativo á participación no Plan provincial de cooperación ás obras e servizos de competencia municipal (POS) 2015:

- *A inclusión no POS principal da obra denominada “**Mellora de camiño en lugar de Ventosa**”, cun orzamento de 67.913,55 euros. Con esta inclusión queda cumprida a petición de incluír toda a cantidade asignada ao Concello de Ames para o POS 2015 a obras, quedando unha cantidade residual de 2.004,62 euros que non cubrirían ningunha actuación e que se destinaría a gasto corrente, quedando afectada á aplicación orzamentaria que ampara o gasto do servizos de limpeza viaria ó igual que outros anos. **A porcentaxe destinada a obras ascendería ao 99,6%***
- *A inclusión no POS complementario das obras de saneamento correspondentes ao núcleo de Portanxil e a Susavila de Carballo por importes de 139.931,94€ e 92.889,93€ respectivamente. Con esta medida incluíríanse dous proxectos mais de saneamento.*

Desta maneira non se retiraría ningún proxecto da proposta inicial, e incluíríanse os dous saneamentos solicitados, así como se investiría a totalidade do POS 2015 en obras.

Así mesmo, e tal e como se solicitou na reunión mencionada anteriormente, o goberno solicitou información para a redacción do proxecto de saneamento en Castrigo, que recollería a zona de Casaliño, para que unha vez que se teña cuantificado e se conte co proxecto correspondente se proceda á súa execución.

A emenda do grupo municipal socialista é do teor literal seguinte:

O Grupo Municipal do PSdeG-PSOE do Concello de Ames, en base ao disposto no

artigo 97.5 do Regulamento de Organización, Funcionamento e Réxime Xurídico das Entidades Locais e demais normativa que poida resultar de aplicación, realiza a seguinte emenda ao respecto do punto nº 4 da convocatoria da sesión ordinaria do Pleno do Concello de Ames do día 27 de novembro de 2014, relativo á participación no Plan provincial de Cooperación ás Obras e Servizos de Competencia Municipal (POS) 2015:

- ☐ A inclusión no POS principal das seguintes obras:
 - Obra de saneamento no núcleo de Portanxil (Trasmonte) por un importe de 139.931,94 euros.
 - Obra de saneamento no núcleo de Susavila de Carballo (Trasmonte), por importe un de 92.889,93 euros.
- ☐ A inclusión no POS complementario das seguintes obras:
 - Saneamento en Lamas-Costoia (Biduído), por importe de 81.692,30 euros
 - Mellora do camiño de Foxos, no lugar de Ventosa (Covas), que ascende a un total de 62.191,74 euros
 - Reposición da sinalización horizontal dos núcleos de Bertamiráns e Milladoiro, por un total de 132.241,51 euros

Con esta proposta non se retiraría ningunha das obras que xa viñan documentadas na memoria e proposta inicial do POS 2015, e tal e como comentamos na celebración da comisión informativa e escrito posterior remitido pola alcaldía, con data 21 de novembro, inclúense as obras de saneamento de Portanxil e Susavila de Carballo. Quedaría deste xeito unha cantidade residual de 31.529,5 euros (6,27%) que se podería destinar a gasto corrente, e dedicárase, polo tanto, un total de 470.968,94 (93,72%) a investimento en obras.

TOTAL CANTIDADE PARA O POS 502.498,49 €.

OBRAS PROPOSTAS NA EMENDA DO GRUPO SOCIALISTA	
Saneamento de Portanxil	139.931,94€
Saneamento de Susavila de Carballo	92.889,93€
Camiño Costoia-Outeiro e outros	138.183,88€
Reparacións Clube de Piraguismo (Tapia)	49.963,19€
Praza do Milladoiro (Agro da Magdalena-Rosalía de Castro)	50.000,00€
	470.968,94€
PLAN COMPLEMENTARIO	
Camiño de Foxos en Ventosa	62.191,64
Reposición da sinalización horizontal	132.241,51
Mellora camiño lugar de Ventosa	67.913,55
Saneamento Lamas-Costoia	81.692,3
GASTO CORRENTE	31.529,55€
PORCENTAXE OBRAS POS	93,73
PORCENTAXE GASTO CORRENTE	6,27

A petición do concelleiro **Emilio Martínez Carballeira**, se fai constar na acta da sesión que na súa primeira intervención enumerou as propostas de obras que os concelleiros

Manuel Ferreiro Santiago, Emilio Martínez Carballeira, Alfonso Rey López, María González Gómez, M^a Dolores Fernández Álvarez e Ramón García Argibay propoñen, solicitando que a cantidade asignada ó Concello de Ames polo POS 2015 se destine integramente a obras e servizos, sendo a proposta a seguinte:

- **Agrón:**
 - Adecentar o Campo de Fútbol de Agrón
 - Rematar o Saneamento en Agrón
- **Castrigo – Pedregal:**
 - Saneamento na zona de Castrigo e conectar o mesmo as casas que faltan no Casal - Casaliño (Pedregal)
- **Pegariños:**
 - Reparación e canalización do medio da aldea de Pegariños
- **Diversas actuacións nos seguintes locais sociais**
 - Trasmonte - A Tarroeira - Lens - Tarrío
- **Bertamiráns**
 - Mantemento do Paseo Fluvial de Bertamiráns e reparación do canal das troitas do Río do Porto
 - Acondicionar e reparar a pista de tenis, situada na área deportiva de Bertamiráns.
- **Ameixenda**
 - Saneamento na aldea de Mercuto.
- **Covas**
 - Saneamento nas aldeas de Ventosa, Montinho, Caroubáns, Capeáns e Loureiros
- **Milladoiro**
 - Actuacións e reparación na rúa Anxeriz no Milladoiro
- **Lens**
 - Saneamento na aldea de Lens
- **Caroubáns**
 - Alcantarillado en Caroubáns.
 - Acondicionamento terreo cedido en Caroubáns.
- **Ortoño**
 - Adecentar as cunetas, na carretera de Ortoño, para unha mellor seguridade peonil.
- **Lapido**
 - Acondicionar toda a Área de Recreo, e o entorno do muíño, nesta mesma zona
- **Tapia / Piñeiro**
 - Saneamento na zona de Tapia
 - Acondicionar e reparación das instalacións de piragüismo situadas na Praia

Fluvial de Tapia: teitos, vestiarios, portas, humidades...

- **Bugallido**

- Recambio de iluminación na zona de Bugallido e novos puntos de luz
- Aceras de Eirapedriña a Costoia
- Reparación das aceras no cruce de Bugallido
- Rematar o saneamento da zona de Bugallido

- **Ames**

- *Saneamento de Castelo e Outeiro en Ames*
- *Reparación da pista do medio da aldea de Castelo – Ames*

- **Trasmonte**

- *Saneamento nas aldeas de Suevos, Carballo, Portanxil e Sorribas.*

- **Oca**

- *Saneamento: bombeos pendentes.*

Sometidas a votación as emendas presentadas, obtén mais votos favorables a emenda do grupo municipal popular. Así a emenda do grupo municipal popular recibe os votos favorables dos 5 concelleiros do grupo municipal popular e dos 6 concelleiros/as non adscritos/as Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez e Emilio Martínez Carballeira, o voto en contra dos 6 representantes do grupo municipal socialista e a abstención dos 4 concelleiros/as non adscritos/as M^a Pilar Candocia Pita, Xosé Anxo Doval Rey, Susana Mayo Redondo e Olalla Alvite del Río.

A emenda do grupo municipal socialista recibe os votos a favor dos seis representantes do grupo municipal socialista o voto en contra dos cinco representantes do grupo municipal popular e a abstención dos dez concelleiros/as non adscritos/as.

(.....)

Sometida á votación a proposta do POS emendada polo grupo municipal popular, a mesma resulta aprobada cos votos a favor dos/as 5 concelleiros/as do grupo municipal popular e dos/as 6 concelleiros/as non adscritos/as Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira, o voto en contra dos/as 6 concelleiros/as do grupo municipal socialista e a abstención dos/as concelleiros/as non adscritos/as M^a Pilar Candocia Pita, Xosé Anxo Doval Rey, Susana Mayo Redondo e Olalla Alvite del Río.

Polo cal, o Pleno da Corporación, adopta os seguintes acordos:

1.- Aprobar o Plan provincial de cooperación ás obras e servizos de competencia municipal (POS) 2015, cuxas bases se coñecen e aceptan na súa totalidade, no que se recollen as obras que o Concello ten previsto realizar, ou a dedicación ao financiamento dos gastos correntes do exercicio 2015 ou a amortización anticipada da débeda, e de acordo co financiamento que se indica:

A) Realización de obras:

Denominación da obra	Deputación	Concello	Presuposto total
MELLORA DE CAMIÑO NO LUGAR DE VENTOSA. AMES (A CORUÑA)	67.913,55		67.913,55
MELLORA DE CAMIÑO DE FOXOS NO LUGAR DE VENTOSA. AMES (A CORUÑA)	62.191,74		62.191,74
REPARACIÓN DAS INSTALACIÓNS DO CLUBE DE PIRAGÜISMO RIBEIRA DO TAMBRE	49.963,19		49.963,19
ADECUACIÓN DE PRAZA SITUADA ENTRE AS RÚAS AGRO DA MADALENA E AVDA. ROSALÍA DE CASTRO NO LUGAR DE MILLADOIRO	50.000,00		50.000,00
REPOSICIÓN DE SINALIZACIÓN HORIZONTAL NOS NÚCLEOS DE BERTAMIRÁNS E MILLADOIRO	132.241,51		132.241,51
CAMIÑO DE OUTEIRO-COSTOIA-LIMITE CONCELLO E OUTROS	138.183,88		138.183,88
SUBTOTAL OBRAS	500.493,87		500.493,87

Aprobar os proxectos das obras incluídas na anualidade 2015 e que se relacionan nesta táboa.

B) Financiamento de gastos correntes ou amortización de débeda:

	DEPUTACIÓN
ACHEGA PROVINCIAL APLICABLE AO FINANCIAMENTO DE GASTOS CORRENTES	2004,62
ACHEGA PROVINCIAL APLICABLE A AMORTIZACIÓN ANTICIPADA DE DÉBEDA	
SUBTOTAL GASTO CORRENTE E AMORTIZACIÓN DÉBEDA	2004,62

C) Resumo:

Denominación da obra	Deputación	Concello	Presuposto total
SUBTOTAL OBRAS	500.493,87		500.493,87
SUBTOTAL GASTOS CORRENTES E AMORTIZACIÓN DE DÉBEDA	2.004,62		2.004,62
TOTAL	502.498,49		502.498,49

2.- Aprobar o Plan complementario do ano 2015 no que se inclúen as obras que a continuación se indican e aprobar os correspondentes proxectos:

Denominación da obra	Presuposto
SANEAMENTO NO NÚCLEO DE PORTANXIL	139.931,94
SANEAMENTO NO NÚCLEO DE SUSAVILA DE CARBALLO	92.889,93
SANEAMENTO EN LAMAS-COSTOIA (BIDUIDO)	81.692,30
TOTAIS	314.514,17

3.- Declarar que o Concello ten a dispoñibilidade dos terreos, augas e servidumes para a execución das obras, e que ten resolto o relacionado coas concesións e autorizacións administrativas que legalmente sexan necesarias.

4.- Comprometerse o Concello a incluír no orzamento municipal do 2015 os fondos necesarios para facer fronte á achega municipal das obras incluídas na anualidade do 2015 se a houbera.

5.- Solicitar da Deputación Provincial da Coruña, a delegación neste Concello da contratación e execución das obras ou subministracións incluídas no plan, que se entenderá aceptada si esta se produce efectivamente.

6.- Declarar que o concello non solicitou nin percibiu ningunha subvención doutras

administracións públicas para o financiamento do investimento ou, no caso de que existan axudas ou subvencións concorrentes doutras administracións para a súa execución, achégase o detalle de cada unha delas, acreditándose que a súa suma total non supera o 100% do seu importe.

7.- Autorízase á Deputación a obter as certificacións da Axencia Estatal de Administración Tributaria e da Tesourería da Seguridade Social nas que se acredite que o concello está ao corrente nas súas obrigas tributarias e coa Seguridade Social

8.- Facultar expresamente ao alcalde para todo o relacionado coa tramitación e xestión do presente acordo e o correspondente expediente.

Solicitan e así se fai constar na acta da sesión, as seguintes explicacións de voto:

Explicación do voto do concelleiro **José M. Miñones Conde**: *O grupo socialista vota en contra desta proposta de POS porque xa dixemos na exposición de motivos que se incumpria o compromiso do goberno de facer obras de saneamento co POS de 2015. Ante a falta de obras de saneamento, pola falta do canon da auga, valorado en preto de 4 millóns de euros, nos chama a atención a postura dos concelleiros non adscritos. Parece que o POS desuniu este grupo e o volve a xuntar, 3 anos despois.*

Explicación do voto do concelleiro **Ramón García Argibay**: *Señor Miñones, me parece unha cuestión moi demagóxica dicir que o POS desuniu este grupo e o POS o volve a unir, iso califícao á vostede, a súa demagogia e as súas intencións. Nos so temos unha intención e a deixamos clara dende fai moito tempo, que é sacar todos os máximos proxectos para Ames e unhas veces iran para un lado e outras veces para outro. O que non é normal é que vostede, porque perda unha votación, lle bote a culpa ós non adscritos, neste caso a PxA. Vostede ou non entende nada, ou non quere entender.*

A petición do concelleiro **Xosé Anxo Doval Rey** faise constar a seguinte intervención do señor alcalde: *Cada concelleiro pode ter unha percepción distinta que cales son as obras mais necesarias para o seu Concello, iso é lícito. Todos e todas estamos ca mellor intención para que se fagan obras e co POS temos a posibilidade de facer obras por valor de 500.000 euros. Este goberno vai a rematar a súa lexislatura facendo inversións en abastecemento e saneamento no Concello de Ames por encima do millón de euros. Iso se demostrará e se está demostrando cos datos que din antes. Este goberno vai a levar a cabo inversións, a pesares de dicir vostedes que non se inverte en obras de abastecemento e saneamento, e vamos superar o millón de euros.*

Punto quinto. Toma de coñecemento polo Pleno da renuncia da concelleira Carmen Fraga Crespo.

(.....)

O Pleno da Corporación toma coñecemento da renuncia ó cargo de concelleira de **Carmen Fraga Crespo** pertencente ao grupo municipal socialista.

Tomado coñecemento da renuncia, a concelleira abandona o Salón de Sesións.

C) PARA CONTROL DO GOBERNO:

Punto sexto. Moción presentada polo grupo municipal socialista o 14 de novembro de 2014 (núm. R.E. 14130) sobre violencia de xénero.

(.....)

Rematadas as intervencións, o Pleno da Corporación, por maioría absoluta do número

legal de membros cos votos a favor dos 5 concelleiros presentes do grupo municipal socialista e dos/as concelleiros/as non adscritos/as M^a Pilar Candocia Pita, Xosé Anxo Doval Rey e Susana Mayo Redondo, Olalla Alvite del Río, Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e o voto en contra dos 5 concelleiros do grupo municipal popular, presta aprobación á moción presentada polo grupo municipal socialista sobre violencia de xénero, con número de rexistro de entrada 14130. A moción aprobada é do teor literal seguinte:

EXPOSICIÓN DE MOTIVOS

A violencia de xénero constitúe un auténtico problema de Estado. E os datos constatan esta afirmación, xa que nos primeiros oito meses do ano, foron 40 as mulleres asasinadas a mans das súas parellas ou ex parellas, ademais de dous menores. En Galicia, os datos tamén son alarmantes, con 6 mulleres asasinadas nos primeiros oito meses do ano.

Hai que destacar, igualmente, que das 40 mulleres asasinadas, un total de 29 non tiñan presentado denuncia previa, o que se traduce nunha porcentaxe de máis do 72%.

Dentro deste escenario, hai que destacar o acontecido no mes de agosto, que foi o peor en cinco anos en número de vítimas, con 8 mulleres asasinadas polas súas parellas ou ex parellas. En Galicia, unha muller foi vítima da violencia machista en Barro (Pontevedra) e dúas foron noticia por ser agredidas polas súas parellas, unha en Abegondo e outra en Chantada.

Ante esta alarmante realidade, o Goberno do PP na Xunta de Galicia, en consonancia co Goberno Central, segue a recortar as partidas en materia de igualdade. Así, a Secretaría Xeral de Igualdade pasou de dispor de 60 millóns en 2009 aos 12,3 deste 2014. Así mesmo, destaca a redución do 55% do orzamento dirixido aos Concellos para programas de prevención da violencia e promoción da igualdade ou a eliminación dunha partida de 200.000 euros para prevención de violencia no eido da Universidade. E se iso xa non fora suficiente, o Partido Popular impulsou unha Reforma Local, que suporá un pau sen precedentes na aplicación da Lei Integral contra a violencia de xénero, xa que se traducirá na usurpación aos Concellos das competencias en igualdade e, polo tanto, desaparecerán puntos de información, pisos de acollida, programas de axuda, etc. No caso de Galicia, esta Lei terá unha especial incidencia dado o elevado número de concellos de mediano e pequeno tamaño.

Non hai que esquecer tampouco que a LOMCE pon fin a unha materia clave na igualdade e, polo tanto, na educación e prevención da violencia de xénero: Educación para a Cidadanía. Esta decisión contrasta cos datos que apuntan a un reponte do machismo e violencia entre os mozos, con especial utilización para a violencia verbal e ameazas das novas tecnoloxías.

O día 25 de novembro, Día contra a Violencia de Xénero, alzaremos a nosa voz para dicir que, ante todo tipo de violencia, debemos ter TOLERANCIA CERO. Pero non debemos esquecer que esta reivindicación debe ser unha constante os 365 días do ano, xa que a violencia contra as mulleres é unha dura e grave realidade cotiá así como unha lacra para unha sociedade que se di avanzada e democrática.

Este ano, ademais, cúmprese o décimo aniversario da aprobación dunha Lei fundamental: a Lei Integral contra a Violencia de Xénero, unha norma impulsada polo Partido Socialista. Despois dunha década, é o tempo de facer análise e atender as novas demandas, realidades e situación da sociedade, pero tamén é o momento de subliñar que esta lei, fundamental e determinante na loita contra a violencia machista, non está sendo desenvolvida polos Gobernos do PP.

*Ante esta grave situación, o Grupo Municipal Socialista do Concello de Ames presenta ó Pleno a seguinte **PROPOSTA DE ACORDOS**:*

- **Primeiro.-** Esixir aos Gobernos Central e Autonómico do Partido Popular que repoña as partidas recortadas ata o momento, porque esta é a única forma coa

- que poderemos iniciar a aplicación a desenvolvemento da Lei Orgánica contra a Violencia de Xénero de 2004 e a Lei galega 11/2007, do 27 de xullo, para a prevención e o tratamento integral da violencia de xénero.
- **Segundo.-** Reclamar ao Goberno Central do PP que promova un **PACTO POLÍTICO E SOCIAL** para abordar a violencia de xénero, coa participación de todos os axentes implicados neste auténtico problema de estado.
 - **Terceiro.-** Pedir ao Goberno do PP que retire a LOMCE e, polo tanto, recupere a materia de Educación para a Cidadanía, e que retire as subvención aos centros de ensino que segregan por sexo. A educación é fundamental para a prevención da violencia de xénero e as administracións deben garantir o desenvolvemento de programas educativos dirixidos a acadar a igualdade e rachar coa violencia machista.
 - **Cuarto.-** Instar aos diferentes Gobernos do PP a asumir unha serie de demandas, como a unificación dos casos de violencia de xénero de todos os servizos no Sistema de Seguimento Integral, incluír aos orfos de violencia nos programas de axudas, ou garantir a atención psicolóxica precoz para todas as vítimas, entre outras demandas das asociacións de mulleres.
 - **Quinto.-** Esixir a inmediata retirada da Reforma Local, que suporá un pau sen precedentes na loita contra a violencia de xénero, ao acabar cos servizos sociais dos Concellos, primeira institución de atención e protección ás vítimas.

Punto sétimo. Moción presentada polo grupo municipal socialista o 14 de novembro de 2014 (núm. R.E. 14131) contra a pobreza enerxética e pola protección dos consumidores vulnerables.

(.....)

Rematadas as intervencións, o Pleno da Corporación, por maioría absoluta do número legal de membros cos votos a favor dos 5 concelleiros presentes do grupo municipal socialista e o voto en contra dos 5 concelleiros do grupo municipal popular e dos/as concelleiros/as non adscritos/as M^a Pilar Candocia Pita, Xosé Anxo Doval Rey, Susana Mayo Redondo, Olalla Alvite del Río e coa abstención dos/as concelleiros/as non adscritos/as Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira, rexeita a moción presentada polo grupo municipal socialista contra a pobreza enerxética e pola protección dos consumidores vulnerables, con número de rexistro de entrada 14131. A moción rexeitada é do teor literal seguinte:

Exposición de Motivos

A pobreza enerxética é unha consecuencia máis da grave crise social e económica que estamos a padecer. Defínese como aquela situación que sofren os fogares cuxos membros son incapaces de pagar unha cantidade de servizos da enerxía suficientes para a satisfacción das súas necesidades domésticas e/ou ven obrigados a destinar unha parte excesiva dos seus ingresos ao pago da factura enerxética das súas vivendas.

Segundo diferentes estudos socio - económicos son xa máis de 300.000 persoas en Galicia as que teñen graves dificultades para facer fronte ao recibo da luz ao final de mes, debendo dar prioridade ou elixir entre que cuestións básicas de subsistencia, moi unidas ao desenvolvemento dunha vida digna, poden permitirse e cales non.

A este dato hai que engadir o que facilita o INE e o IGE nas enquisas de condicións de vida que sinalan que en torno aos 100.000 fogares en Galicia non poden manter a súa

casa a unha temperatura adecuada, cos riscos que iso comporta especialmente para as persoas con factores de risco máis alto, como nenos, anciáns ou enfermos.

Fronte a este grave problema existen diferentes posicionamentos: mirar a outro lado, expor unha solución de conxuntura, ou adoptar medidas estruturais que remedien situacións dramáticas que poden ser evitadas con solidariedade e tamén coa lexislación. Lamentablemente, a dereita, como en outros moitos temas está na conxuntura.

Así mentres a Unión Europea ten instado aos diversos Estados membros a adoptar medidas para protexer aos consumidores máis vulnerables e a loitar contra a pobreza enerxética, en Galicia tense actuado tarde, pouco e mal.

As normas europeas foron elaboradas cun dobre obxectivo: primeiro, garantir unha subministración de gas e electricidade imprescindible para garantir unha vida digna asociada á vivenda habitual, a un custo alcanzable para o consumidor vulnerable; e segundo, prohibir a desconexión en períodos críticos.

Mentres distintos países teñen aprobado normas que protexen aos consumidores máis vulnerables, prohibindo durante o inverno interromper a subministración que lles poida deixar sen calefacción, a lexislación española limitouse a desenvolvementos absolutamente insuficientes.

Cremos imprescindible ser sensibles á situación que moitos dos nosos veciños e veciñas padecen, e por tanto, estimamos a oportunidade de que a Xunta de Galicia utilice todos os resortes que ten ao seu alcance, e ademais inste ao Goberno de España a aprobar unha lei para solucionar os problemas máis urxentes e prexudiciais de pobreza enerxética, e que marque a orientación prioritaria das administracións á hora de afrontar as principais causas polas que esa pobreza enerxética se produce.

Estimamos preciso que se considere e se lexisle para que a subministración de enerxía sexa un dereito social básico, que os consumidores vulnerables accedan a unha tarifa social en función dos seus ingresos e non do mercado, e o máis importante, que non haxa cortes de subministración no inverno para aquelas persoas que se atopen en situación de pobreza enerxética, financiando a diferenza entre a tarifa social e o consumo real a través dos orzamentos xerais do Estado.

Entendemos que é preciso abordar a pobreza enerxética dentro dun contexto de ampliación de medidas estruturais, como son a mellora da eficiencia enerxética das vivendas vinculadas ás familias con máis dificultades, así como o apoio público á rehabilitación das vivendas que ocupan, coa finalidade de conseguir unha maior optimización dos recursos enerxéticos.

Ante todo cremos que o Goberno Galego debe recoñecer que se trata dunha medida de política social, co propósito de garantir os principios de progresividade, solidariedade e cohesión respecto dos consumidores máis vulnerables, e por iso entendemos que o custo desta iniciativa débese sufragar polo conxunto do sistema.

Por todo o exposto, o Grupo Municipal Socialista do concello de Ames presenta a seguinte MOCIÓN, para o seu debate en pleno e conseguir os seguintes acordos:

O concello de Ames insta a Xunta de Galicia a:

- *Habilitar unha liña de axudas sobre un servizo mínimo de subministro de enerxía (electricidade e gas), que garanta que ningún fogar poda ser privado dun mínimo de cobertura enerxética de subsistencia entre o 1 de novembro e o 31 de marzo de cada ano, que permita garantir o subministro enerxético ás familias que estean en situación de pobreza enerxética.*

1.a. Esta liña de axudas desenvolverase no ámbito das políticas de benestar social, mais alá da colaboración coa Consellería de Economía e Industria, e arbitraranse medidas que faciliten a súa solicitude a aquelas familias afectadas

por este problema.

- *Demandar ao Goberno de España a que de forma inmediata presente no Congreso dos Deputados para o seu debate e aprobación un proxecto de lei de protección dos consumidores vulnerables e contra a pobreza enerxética.*

Punto oitavo. Moción presentada polo grupo municipal socialista o 14 de novembro de 2014 (núm. R.E. 14132) para proceder á limpeza das canles do río Sar e o Rego dos Pasos.

(.....)

Rematadas as intervencións, o Pleno da Corporación, por maioría absoluta do número legal de membros cos votos a favor dos 5 concelleiros presentes do grupo municipal socialista e dos/as concelleiros/as non adscritos/as Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e a abstención do do resto de concelleiros presentes, prestan aprobación á moción presentada polo grupo municipal socialista para proceder á limpeza das canles do río Sar e o Rego dos Pasos, con número de rexistro de entrada 14132. A moción aprobada é do teor literal seguinte:

Exposición de Motivos

Non fai moitos anos que Bertamiráns sufría cada inverno inundacións provocadas polas choivas e que eran orixinadas pola mala canalización dos regos existentes. Afortunadamente estas remataron cos traballos de canalización destes regatos e coa construción do paseo fluvial da localidade, así como algunha actuación que se desenvolveu na canle do río Sar ao seu paso pola Condomiña.

Estes problemas coas inundacións de antaño non se producen, pero pódese observar como nos últimos anos as enchentes son cada vez máis grandes e, polo tanto máis perigosas, especialmente o pasado inverno e o anterior nos que a auga do Rego dos Pasos subiu ata o segundo andar do paseo fluvial, e o río Sar estivo a piques de sobrepasar a Ponte da Condomiña; ou, vimos como houbo que cortar en varias ocasións a estrada que vai desde a Condomiña ata a depuradora de Sisalde.

Como dicíamos ao comezo, grazas as canalizacións dos distintos regatos de Bertamiráns, así como á construción do paseo fluvial conseguíuse rematar coas inundacións, pero estas infraestructuras necesitan un mantemento de limpeza e canalización habitual, senón o que orixina é que a area e outros restos de materiais que traen as correntes se sedimenten e impidan que a auga discurra con normalidade. Actualmente é doado comprobar como a canle do rego dos Pasos está obstruída en varios dos seus tramos e como esta se reduxo de tamaño; tamén, se pode ver como na zona das troitas hai saídas da presa que están totalmente obstruídas o que ocasiona que a auga desborde con facilidade. Esta necesidade de realizar unha limpeza pódese apreciar tamén de maneira clara nos arcos da ponte da Avenida da Maía, onde a area ocupa unha parte importante do mesmo.

Polo que respecta ao río Sar tamén é doado comprobar ao pasear pola súa beira como é necesaria e urxente unha actuación de limpeza, sobre todo no entorno da urbanización Rego dos Pasos Sur, onde a raíz dos temporais de invernos pasados hai varias árbores caídas e escombros e restos de maleza na canle do río. Por outra parte, na desembocadura do rego dos Pasos no río Sar apréciase como co paso do tempo esta se foi reducindo e facendo máis pequena, de igual maneira que acontece coa ponte da Condomiña que os sedimentos existentes na entrada da ponte

obstaculizan o paso da auga, e á saída da ponte prantáronse unhas árbores que modificaron a canle do río Sar.

Xa, este Grupo Municipal, trasladou en plenos anteriores algún rogo relacionado cos cambios producidos na canle do río Sar ao seu paso pola Condomiña, que ocasionan que a auga do río penetre nas fincas e vaia arrastrando a terra.

Ante esta situación que xa denunciámos en días atrás e que se pode comprobar facilmente, é polo que consideramos necesaria e prioritaria unha actuación de limpeza e drenaxe en varios puntos do rego dos Pasos e do río Sar. Esta limpeza débese de estender á canalización das augas que veñen desde a Avenida da Maía e o rego do Ameneiral, xa que o problema das inundacións que se producían fai anos eran orixinadas polo conxunto de todos estes regatos. Está claro que unha actuación desta índole non pode acometela o concello, xa nin conta cos medios para facela, nin é competencia súa, e correspóndello á consellería de Medio Ambiente e a Augas de Galicia realizar un estudo de situación e proceder a realizar as actuacións necesaria.

Nós só pretendemos evitar volver a sufrir aquelas incómodas e costosas inundacións, así como evitar calquera dano que se poida producir.

É por iso, que polo anteriormente exposto, **SOLICITAMOS:**

1. Instar á Xunta de Galicia ou ente autónomo que corresponda a:
 - a. Realizar un estudo da situación na que se atopa o rego dos Pasos, o rego do Ameneiral de Bertamiráns, e a canle do río Sar ao seu paso pola parroquia de Ortoño.
 - b. Elaborar un proxecto de limpeza cos prazos correspondentes nos que se actúe na canles dos río Sar, e os regos dos Pasos e o Ameneiral.
2. Facultar ao Alcalde a realizar as xestións necesarias para acometer esta actuación, o cal informará dos pasos dados e da situación na que se atopan ditas xestións.

Punto noveno. Moción presentada polo grupo municipal popular o 18 de novembro de 2014 (núm. R.E. 14243) sobre mesas de coordinación contra a violencia de xénero.

(.....)

Rematadas as intervencións, o Pleno da Corporación, por maioría absoluta do número legal de membros, cos votos a favor dos/as 5 concelleiros/as do grupo municipal popular e o voto en contra dos/as 5 concelleiros/as presentes do grupo municipal socialista e dos/as concelleiros/as non adscritos/as M^a Pilar Candocia Pita, Xosé Anxo Doval Rey, Susana Mayo Redondo, Olalla Alvite del Río e coa abstención dos/as concelleiros/as non adscritos/as Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira, rexeitan a moción presentada polo grupo municipal popular sobre as mesas de coordinación contra a violencia de xénero, rexistro de entrada 14243. A moción rexeitada é do teor literal seguinte:

Exposición de motivos

A violencia machista constitúe o máis cruel expoñente da falta de igualdade na nosa sociedade e un dos ataques máis flagrantes aos dereitos fundamentais das persoas implicando un atentado contra o dereito á vida, á seguridade e á liberdade, á dignidade e á integridade física e psíquica das vítimas e, polo tanto, un obstáculo para o desenvolvemento dunha sociedade mais xusta e igualitaria.

Compete aos poderes públicos a loita para a prevención e a erradicación da violencia de xénero, coa obriga de articular medidas de sensibilización, asesoramento, atención e protección ás mulleres que a sofren, procurando os medios efectivos e axeitados a

cada caso e as alternativas para o exercicio dos seus dereitos como cidadás nun estado democrático.

Polo tanto, resulta fundamental coordinar todos os recursos dirixidos a sensibilizar a toda a sociedade na loita e prevención da violencia de xénero.

Tanto a Lei 7/2004, do 16 de xullo, galega para a igualdade de mulleres e homes e a Lei 11/2007, do 27 de xullo, galega para a prevención e o tratamento integral da violencia de xénero, recoñecen o ámbito municipal, pola súa proximidade á cidadanía e polo coñecemento da situación específica da súa poboación, como o idóneo para o desenvolvemento de accións tendentes a garantir a igualdade entre mulleres e homes, de prevención e erradicación da violencia de xénero, e para o establecemento das condicións que posibiliten a participación das mulleres na vida política, económica, cultural e social, e establecen que a Administración autonómica colaborará coas entidades locais para estes efectos.

Por todo o anterior, o Grupo Municipal do Partido Popular no Concello de Ames eleva ao Pleno a adopción dos seguintes acordos:

- **Constituír unha Mesa Local de Coordinación contra a Violencia de Xénero** como un instrumento esencial e operativo de coordinación na loita contra a violencia machista.
- **Instar á Xunta de Galicia, a través da Secretaría Xeral da Igualdade, a apoiar a creación, activación e dinamización das Mesas Locais de Coordinación Contra a Violencia de Xénero a través da elaboración dun Regulamento de organización e funcionamento para acadar unha mellor coordinación interinstitucional, entre as Administracións central, autonómica e local.**

Punto décimo. Moción presentada polos/as concelleiros/as M^a Dolores Fernández Álvarez, Alfonso Rey López, María González Gómez, Manuel Ferreiro Santiago, Emilio Martínez Carballeira e Ramón García Argibay, o 18 de novembro de 2014 (núm. R.E. 14244).

(.....)

Procédese en primeiro lugar a votar a emenda *in voce* formulada polo concelleiro Ramón García Argibay, resultando aprobada por maioría absoluta, cos votos a favor dos/das 5 concelleiros/as presentes do grupo municipal socialista e dos/as concelleiros/as non adscritos/as Ramón García Argibay, María Dolores Fernández Álvarez, Manuel José Ferreiro Santiago, Alfonso Rey López, María González Gómez e Emilio Martínez Carballeira e a abstención do resto de concelleiros/as da corporación municipal.

(.....)

Rematadas as intervencións a moción emendada resulta aprobada por maioría absoluta do número legal de membros, cos votos a favor dos/as 5 concelleiros/as presentes do grupo municipal socialista e dos/as concelleiros/as non adscritos/as Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira e a abstención do resto de concelleiros/as da corporación municipal, sendo a moción aprobada do teor literal seguinte:

O río do Porto, que atravesa o paseo fluvial de Bertamiráns, leva anos sen unha

actuación sería en canto a súa limpeza e acondicionamento, máis alá de unha simples podas e arranxos preto do seu canle.

No apartado de rogos e preguntas, os concelleiros de PxA levan meses solicitando estas actuacións, sendo a resposta do goberno que a competencia para a limpeza deste leito é de Augas de Galicia pertencente a Consellería de Medio Ambiente, Territorio e Infraestruturas.

Toda vez que eses rogos e preguntas foron reiterados dende fai máis de un ano e non tiveron resposta activa en canto a súa execución, e toda vez que o estado do paseo fluvial que segundo o goberno é competencia de Augas de Galicia está cada ano máis deteriorado.

Tendo en conta que está preto o inverno, os concelleiros de PxA consideramos que se debería facer unha actuación urxente no leito do río do Porto, dunha forma similar á que se fixo no canle do río Sar ao paso pola parroquia Compostelá de Sar.

De igual xeito, o río Ameneiral, canalizado en gran parte do seu treito ao paso polo centro de Bertamiráns, máis concretamente na zona da rúa do Ameneiral, ten un treito que está ao descuberto e salvagardada por un simple aramado que non cumpre coas condicións mínimas de seguridade. (Foto 1)

Este tramo descuberto do río Ameneiral tamén é utilizado como vertedoiro do lixo podéndose apreciar restos de todo tipo depositados no seu canle. Si a isto sumamos os cheiros que emite, a condición de salubridade e seguridade non son as máis axeitadas.

Unha mostra é a pintada que alguén fixo na parede advertindo de que "¿tiene que caerse alguien para que arregléis esto? (Foto 2)

Por esta cuestión, os concelleiros de Pacto por Ames, sometemos a consideración do Pleno a seguinte moción:

- Instar a Consellería de Medio Ambiente, Territorio e Infraestruturas para que proceda con urxencia a dar as instrucións necesarias para limpar e acondicionar a zona do río do Porto de Bertamiráns.
- Instar a Consellería de Medio Ambiente, Territorio e Infraestruturas a poñerse en contacto co concello de Ames para resolver de forma conxunta e inmediata o problema de seguridade e salubridade que provoca o treito descuberto do río Ameneiral na zona da rúa que leva o mesmo nome, de tal xeito que se busque a mellor opción para ocultar a canle e así rematar cos problemas de seguridade e salubridade desta zona.
- Co fin de poder recuperar a zona que se utilizaba para a adaptación das troitas, o hábitat do río para a posterior repoboación, e tendo en conta que o noso Concello conta cunha asociación con moita tradición de pesca fluvial considerase preciso instar a Consellería de Medio Ambiente, Territorio e Infraestruturas a planificar xunto co Concello de Ames a rehabilitación desta zona do río para recuperar a zona de adaptación das troitas.
- Dar conta nos seguintes plenos das actuacións realizadas.
- Facultar ao alcalde do concello de Ames para que realice todos os trámites necesarios nas xestións inherentes a este tema.

Moción de urxencia para a resolución de recurso de reposición, presentado por José González Rey, contra o acordo do pleno do concello de Ames de 25 de setembro de 2014.

(.....)

A urxencia resulta ratificada por unanimidade dos membros presentes, que en todo caso é mais da maioría absoluta do número legal de membros da Corporación.

(.....)

Rematadas as intervencións, o Pleno da Corporación, por maioría simple, cos votos a favor dos cinco representantes do grupo municipal popular e a abstención dos restantes concelleiros presentes (14), adopta os seguintes acordos:

Primeiro.- Desestimar o recurso de reposición presentado por don José González Rey (NIF 33.155.812-R), con data 30 de outubro de 2014, contra o acordo do Pleno do Concello de Ames de 25 de setembro de 2014, de resolución de alegacións e aprobación definitiva da relación de bens e dereitos afectados polo expediente de expropiación forzosa, polo trámite de urxencia, para a execución da obra "Proxecto complementario número 1 do proxecto Abastecemento en Ames-Brión. 1ª fase. Ames e Brión (A Coruña), clave OH.215.799C1".

Os motivos para a desestimación do recurso de reposición son os recollidos no informe técnico elaborado con data 25 de novembro de 2014 por Estudio Técnico Gallego, S.A. e que concretamente se reproducen a continuación:

"Contra dita resolución interponse polo propietario recurso de reposición en tempo e forma, alegando entre outras a falta de notificación da acta de ocupación previa, dado que por motivos de saúde o propietario non puido acudir ó acto de levantamento de actas previas, aducindo que se produce indefensión ó administrado.

Ante esta alegación, cómpre facer constar que en ningún momento se produce a pretendida indefensión, dado que, os datos que figuran na acta previa son os de titularidade da finca, e que xa lle foron notificados na aprobación definitiva, e por tanto o propietario ten pleno coñecemento deles. A maior abundamento, se ben a falta de citación dos interesados pode xerar indefensión, (feito que neste caso non se produce, dado que se citou ó propietario personalmente con antelación suficiente), e resulta obrigada a súa notificación persoal, (sentenza Tribunal Supremo de 24 abril de 2003 RJ 2003, 3733), debe terse en conta que basta coa súa citación, sen que resulte precisa a súa asistencia en todo caso, polo que admítase a posibilidade de que a acta previa se levante en ausencia do propietario (art. 52 da Lei de Expropiación Forzosa).

No recurso interposto, alégase a falta de motivación da resolución alegada; ante dita alegación, é preciso apuntar que en ningún momento se produce unha falta de motivación, dado que a negativa ó cambio de emplazamento, pretendido polo propietario, razónase e motívase, no seguinte senso, a ubicación do centro de seccionamento non obedece a criterios arbitrarios, senón que trae causa no proxecto legalmente aprobado, unha vez realizados os estudos previos e comprobacións pertinentes, e cumprindo as formalidades e requisitos legalmente esixidos. Polo tanto, considérase idónea dende o punto de vista técnico a localización elixida para a correcta execución da obra é necesaria a consecuente afectación dos concretos bens que figuran na relación publicada."

Segundo.- Notificar a desestimación do recurso de reposición presentado por don José González Rey, advertíndolle que contra a desestimación deste recurso non procede a presentación de novo recurso en vía administrativa, poidendo interpor recurso contencioso administrativo perante o Xulgado do Contencioso Administrativo de Santiago de Compostela que por turno corresponda, no prazo de dous meses dende a notificación do presente acordo; e todo elo sen perxuízo da posibilidade de interpor calquera outro recurso que en dereito proceda.

Neste punto da orde do día abandona o salón de sesións o concelleiro **Alfonso Rey López**.

Moción de urxencia presentada polos concelleiros/as non adscritos/as M^a Pilar Candocia Pita, Xosé Anxo Doval Rey, Susana Mayo Redondo, Olalla Alvite del Río, Ramón García Argibay, M^a Dolores Fernández Álvarez, Manuel J. Ferreiro Santiago, Alfonso Rey López, María González Gómez, Emilio Martínez Carballeira, e o grupo municipal socialista sobre o transporte escolar do IES plurilingüe de Ames.

(.....)

A urxencia resulta ratificada por unanimidade dos membros presentes que en todo caso é mais da maioría absoluta do número legal de membros.

(.....)

Rematadas as intervencións, o Pleno da Corporación por unanimidade dos seus membros presentes presta aprobación á moción de urxencia presentada sobre o transporte escolar do IES plurilingüe de Ames, sendo a moción aprobada do teor literal seguinte:

A maior parte do centros educativos de Ames atópanse a bastante distancia do seu núcleo de referencia e sen continuidade dunha trama urbana que poida resgardar o tránsito ata os mesmos, o que provoca que a maioría do alumnado se vexa na obriga de achegarse por vía do transporte escolar ou particular. Isto non só acontece coa abundante poboación dispersa ao longo do municipio, senón tamén coas rapazas e rapaces dos propios núcleos do Milladoiro (Ventín) e Bertamiráns (Agro do Muíño, Maía, Barouta e IES plurilingüe).

Os problemas desta situación dos centros educativos fóra do núcleo foi paliada pola vía do transporte público escolar. Cando no seu momento a Administración autonómica mudou o asentamento do colexio da Maía comprometeuse a establecer transporte escolar para achegar ás nenas e nenos ao centro tamén desde o núcleo de Bertamiráns. Oeste xeito, ata hai poucos anos toda a veciñanza deste núcleo contaba con transporte escolar para o CEIP da Maía así como para o Instituto.

Hai un par de anos comezáronse a retirar algunhas paradas dos buses escolares en Bertamiráns debido a que se mantivo e mesmo número de autocares que non daba cabida a toda a necesidade do alumnado. Oeste xeito comezaron a quedar rapaces de Bertamiráns sen transporte durante temporadas ata que finalmente se ía acomodando o transporte en función da dispoñibilidade. Este curso mudou a situación, agora un número importante de familias ve como se lles elimina este servizo, debido ao crecemento da matrícula e da saturación dos buses habilitados. Como efecto desta situación varias familias do barrio do Porto -na entrada de Bertarmiráns desde Santiago-quedaron sen o transporte escolar. A ANPA do centro solicitou a restitución deste servizo, a súa falta ademais dun grave prexuízo para as nenas e nenos en idade escolar obrigatoria, converteríase nun agravio comparativo a respecto doutros usuarios que se atopan a unha distancia similar.

A normativa autonómica establece a distancia mínima de 2 kilómetros para determinar quen son usuarios/as lexítimos/as do transporte escolar gratuíto. A parada do bus escolar do Porto -e dos domicilios das familias-atópase a unha distancia superior aos 2 km do Instituto segundo as medicións facilitadas pola Xefatura da policía local de Ames. Ademais, o decreto 203/1986, de 12 de xuño, regulador do transporte escolar establecía que "excepcionalmente, por causas de especial incomodidade ou dificultade, a Consellería de Educación poderá autorizar a prestación do transporte, aínda que non se cumpran os requisitos esixidos". Como queda dito, na práctica o

centro atópase fóra do núcleo urbano e a unha distancia superior a 2 km con respecto a varios puntos de Bertamiráns, como o das familias que perderon o servizo no barrio do Porto.

Por este motivo o Pleno do Concello de Ames insta á Consellería de Cultura, Educación e Ordenación Universitaria a restituír o servizo do transporte escolar gratuito do IES plurilingüe de Ames para as familias do barrio do Porto.

Punto décimo primeiro.- Rogos e preguntas.

Intervén a concelleira **Susana Mayo Redondo** para formular os seguintes rogos:

Primeiro rogo.- Para o concelleiro de obras. Refirome á piscina olímpica da rúa Viorneira, porque chamarlle socabón queda cativo, senón ensinolle despois. Á medio metro da rúa para que poidan meter o pe os viandantes e os coches. O primeiro rogo, obviamente, é actuar canto antes, para evitar accidentes, demandas e todo o que veña detrás.

Segundo rogo.- Creo que foi a raíz dunhas obras, non estou segura da circunstancia, pero houbo un tempo que na rúa Alcalde Lorenzo se cambiou a parada escolar, moveuse con respecto á parada de taxi. O caso é que o que entenderon as familias é que era algo temporal. Pero dende que eu recollín este rogo e se vostedes non me din o contrario, estableceuse a parada escolar onde estaban os taxis e os taxis retrotraéronse cara a atrás, mais ben cara á praza do concello. O que nos piden as familias é que volva a situarse todo como estaba antes. É moito mais seguro e cómodo xuntar a un grupo de adultos e de cativos nunha zona que ten por atrás unha praza, e non nunha rúa estreita á porta dun cruce. Pídenos por favor, que se volva a situar a parada de taxis diante, e a parada para os autobuses escolares atrás, como estaba antes.

Terceiro rogo.- Para educación, obras ou a quen faga falta. Saben vostedes que houbo varios roubos no colexio de Ventín, e hai que tomar algunhas medidas extraordinarias, extraordinarias digo porque non se tomaron ata agora, non porque me parezan nada doutro mundo. O primeiro é potenciar a iluminación nesa zona, que sirva para disuadir. E a segunda instalar alarmas que afecten ás aulas, porque actualmente as alarmas do centro están situadas en dúas ou tres salas, dirección e algunha mais que xustamente non son as que teñen o material mais valioso. Tal e como están agora dotadas as aulas, con pizarras dixitais e mecanismos para utilizalas, se non hai alarmas, é unha bicoca entrar alí.

Cuarto rogo.- Outra petición para o concelleiro de educación e desenvolvemento económico, por dous motivos. Cada vez que se abre un novo servizo público ou mesmo cando é privado, como por exemplo, cando se abriu o Mercadona do Milladoiro, a tódolos gobernos non so a este, senón a tódolos gobernos lles gusta presumir da creación de emprego. E digo isto porque despois cando se suprimen postos, sobre todo nas concesións públicas, tendese a dicir que é un problema laboral. Eu creo que se se presume nun momento dado de crear emprego e de que iso é bo para a sociedade amiense, hai que asumir tamén un papel responsable con respecto á perda de empregos. Falo do concelleiro de promoción económica e educación, nos dous sentidos porque o rogo é que se interveña no despido da monitora de Bos Días Cole, tendo en conta, primeiro, que o servizo diminúe á metade porque se eran dúas monitoras e agora hai unha, é un 50% de redución, non se pode dicir que o servizo é o mesmo, non se pode dicir. Segundo, porque hai que mirar polo emprego que é unha responsabilidade do concello, non só con respecto ás familias, senón tamén con

respecto a esa persoa que traballa ou traballaba para un servizo municipal.

Quinto rogo. Para futuras ocasións, o martes estiven diante do supermercado no Milladoiro, onde estaba o fotocall que se montou en contra da violencia de xénero. Eu fixen a foto, e antes ca min foi unha persoa á que aqueles dous rapaces atenderon moi educadamente, só faltaría, pero non tiñan moita idea do que estaban facendo. Explicóme, desgraciadamente ese mesmo día, o martes, atopouse o corpo de dúas mulleres que resultaron ser unha muller e unha nena desaparecida xa fai un tempo. Era unha noticia relacionadísima co que estaba acontecendo ese día e polo que esas persoas estaban alí, e non tiñan nin idea. A que foi diante miña escolleu como tema para poñer naquela folia na que tiñas que deixar o teu desexo, a túa reclamación, ese problema, ese asasinato. E o cámara xa non vou a dicir, pero a rapaza que estaba alí no só está para aguantar bocadillos senón para dar unha idea. Eu creo que cando se interviñen nese día non é so para dicir, póñase aí que lle fago unha foto e axúdeme a montar un fotocall, eu creo que hai que aproveitar para algo máis. Unha vez que estás contactando cas cidadáns e cos cidadáns tes que aproveitar para facer unha reflexión con eles, para transmitirle o que o Concello de Ames lle queira transmitir. Non me parece de recibo que esa persoa se quede mirando para dicir “*¡que me dice, la primera noticia, que desafortunado!*”. Ben, creo que é un problema: non sei se de control sobre os traballos que se encargan ou se é falta ou ausencia dos técnicos municipais. Eu creo que cando unha empresa traballa para o Concello de Ames, é o Concello quen da a cara, e hai que coidar como se fai.

Intervén a concelleira **Mª Pilar Candocia Pita** para formular os seus rogos:

Sexto rogo.- É un escrito que metemos o 14 novembro o señor Miñones e esta concelleira que lles fala, sobre o caso dun desfiuzamento en Milladoiro que di o seguinte: *No pleno do mes de setembro a concelleira Pilar Candocia fai lectura en nome de Stopdesahucios, Ames Novo e PSOE do escrito que presentou a afectada por rexistro no que explicaba a situación pola que está pasando e pedindo polo tanto axuda ao Concello de Ames. Ao remate da intervención da concelleira Pilar Candocia, intervén o Alcalde de Ames para dicir o seguinte: “O único dato que lle vou a dar é que esta señora ben sendo usuaria, por desgracia, dos servizos sociais dende o ano 2012. O escrito que presenta ela e ao que vostede acaba de dar lectura, agora mesmo non llo vou a contestar, porque hai datos que si se teñen e outros que agora mesmo non se teñen. Os traballadores dos servizos sociais coñecen este caso, están traballando nese caso, pero non pola concentración. O que pasa é que os tramites son os que son, e esperemos que esa axuda, que se lle dixo que se lle ía a conceder, se lle poda conceder canto antes mellor.*

No día de hoxe, o 14 de novembro, nos enteramos que esta familia leva 13 días sen auga na súa vivenda e ten ao seu cargo a un menor, nas condicións que están vivindo son totalmente inhumanas e non teñen medios económicos para facer fronte aos diferentes recibos que teñen que abonar todos os meses.

SOLICITAMOS

- *Que dende o Concello tomen medidas urxentes para solventar esta situación.*
- *Que se nos dea traslado de todas as actuacións feitas con respecto a este caso.*

Continua co seu rogo **Mª Pilar Candocia Pita**: A día de hoxe non temos recibido ningunha contestación sobre este tema, rogamos que nos contesten a este escrito que se meteu por rexistro.

Sétimo rogo.- Outro rogo. Era para facer no pleno anterior, pero non deu tempo de facer rogos e preguntas. O traslado en nome de PSOE e de Ames Novo, porque así o pediu a ANPA de Ventín que se fixera. Como todos os anos nos reunimos coas ANPAS e nos contaron un pouco cales eran as súas inxerencias. Era un tema de urxencia para traer a ese pleno anterior, querían que o metésemos xunto co Grupo Socialista

porque tamén eles tiveron neses días unha reunión con eles. O tema era que querían que se convocase, e seguen querendo que se convoque, a reunión que sempre se facía a principios de curso sobre comedores escolares, porque está habendo moitos problemas co funcionamento dos comedores. Querían que houbera esa reunión, porque aí se podían aclarar cousas. Hai moitos problemas, a segunda quenda de comida de Ventín está comendo ás catro menos cuarto da tarde, iso é o que nos di a ANPA, non sei se é certo ou non. O concelleiro di que non, eu non sei se é certo ou non, o que si sei é que non se fixo a reunión de inicio de curso que sempre se facía e que as ANPAS reclaman. Rogamos que se convoque esa reunión e que se escoite ás familias. Ademais tamén se puxeron uns horarios ríxidos para recoller aos nenos, que eu creo que non son acordes co que di o Regulamento, un Regulamento que nós mesmos aprobamos aquí. Por iso lles pediría que convoquen esa reunión, para que todas as familias poidan trasladar os problemas que teñen, a visión de como está funcionando neste momento o servizo de comedores.

Intervén o concelleiro **Emilio Martínez Carballeira**, para formular os seguintes rogos:

Oitavo rogo.- O parque Ameneiral está cheo de charcos.

Noveno rogo.- A leira parking, todos sabemos mais o menos como segue estando.

Décimo rogo.- Na ponte da Condomiña existe un problema de seguridade ó estar as barandillas moi separadas unhas e outras. Xa houbo algún veciño que levou algún susto cos rapaces, ó mellor sería cuestión de meterlle unha barandilla mais para evitar calquera accidente. Intervén o **alcalde**, que di: Miraremos a ver.

Décimo primeiro rogo.- As beirarrúas de Alca quedan por debaixo do nivel da calzada ¿van a quedar así?. Intervén **Alfredo Taboada**, que di: Quedan a nivel da calzada.

Intervén **Jose Miñones Conde**: ¿Van a quedar ó raso da estrada?. Ou sexa, que non son unha beirarrúa. Contesta **Alfredo Taboada**: Aproveitouse así para que non se estreitara a estrada. Se lle metes a beirarrúa estréitase mais e non pasan dous coches. Así hai algo para que se nun momento tes que botarte un pouco fóra, tes por onde. Esa beirarrúa hai que pintala para que se vexa que é un paso para a xente, vai quedar unha calzada de 2,50 a cada lado, son 5 metros de calzada, gañouse moito terreo.

Intervén **Emilio Martínez Carballeira** para preguntar: ¿Pero vai quedar ó mesmo nivel?. Contesta **Alfredo Taboada Alvelo**: Queda un pouquiño mais baixo para que recollan a auga, así que ó mesmo nivel non.

Décimo segundo rogo.- A verdade é que me doe dicir isto. No seu momento e non vou poñer en dúbida a boa vontade do noso concelleiro de obras, que fixo todo o posible para que ese aparcadoiro que esta detrás da "Bodeguilla" quedara ben. Eu xa dixen dende un principio que iso non ía ter moita vida. O que quero dicir é a ver se se pode acondicionar mellor, porque é unha obra de fai pouco tempo.

Décimo terceiro rogo.- Vou a recordar algo que xa levaba un tempo sen recordalo. Alcalde, ¿que pasa co marcador do campo de fútbol de Bertamiráns?.

Contesta o **alcalde**: O presidente do Bertamiráns di que non quere marcador.

Intervén **Emilio Martínez Carballeira**, para dicir: O presidente do Bertamiráns non é quen para dicir iso. O campo de fútbol non é do Bertamiráns, hai que diferenciar unha cousa da outra. Eu recordo que o dixen aquí, ese marcador non se ía poñer durante

esta lexislatura e quedan 5 meses.

Intervén o **alcalde** para dicir: O presidente do Bertamiráns non o quere, sabemos canto vale o marcador pero non o quere.

Intervén o concelleiro **Ramón García Argibay** para formular os seguintes rogos:

Décimo cuarto rogo.- Vou facer un rogo de parte dunha veciña que presentou por rexistro de entrada da Xunta de Galicia, data do 18/11/2014 ás 10:44 horas un escrito, e vou a dar lectura ó mesmo, evidentemente omitindo os datos persoais, aínda que se despois vostede os quere non teño ningún problema en darllos.

*“A persoa xxxxx, con domicilio a efectos de notificación no lugar de Piñor (Agrón).
Manifesta:*

Que en reiteradas ocasións desde a súa chegada á Alcaldía (e antes tamén cando só era candidato), vostede se comprometeu coa miña familia a realiza-lo saneamento da nosa vivenda e máis o doutra veciña, que son as únicas da aldea de Piñor que carecen de enganche á rede de sumidoiros sen que haxa ningún impedimento técnico.

O encargado da empresa Espina e Delfín veu enviado por vostede no 2012 para presupostar a obra, que ronda os mil (1.000 €) euros, orzamento que, ao parecer, contou coa aprobación da súa tenente de alcalde, Eugenia Martín.

Cando vostede se comprometeu con nós, xa tiña coñecemento da situación de ocupación do rego de auga e camiño peonil polo que ha de saír o enganche das nosas casas á rede de sumidoiro. Esta ocupación levouna a cabo a veciña xxxxx.

Por esta parte achegóuselle máis que suficiente información en man e non verbalmente.

A maiores, no Concello existen abundantes antecedentes documentais sobre o asunto. Somentes achegada por nós, ten ao seu dispor a seguinte:

- Varios escritos anteriores de 2007 e 2008 (rexistro de entrada 8782, entre outros)*
- Escrito de data 18 de marzo de 2009 (rexistro nº 6589) coa que se lle achega copia da Resolución firme de Augas de Galicia a respecto da ocupación e do rego e a oportuna certificación da conselleira de Medio Rural.*
- Escrito do 9 de marzo de 2010, achegando copia da Resolución que desestima o recurso de alzada da veciña ocupante.*
- Así mesmo, e durante a instrución do expediente por parte de Augas de Galicia debe lembrarse que o Concello de Ames foi sancionado a instancia da agora condenada polo xulgado, expediente que, como non podía ser doutra maneira, ten o Concello.*
- Ten vostede tamén escritos do 17 de marzo do 2011 e reclamación de responsabilidade patrimonial de 13 de abril de 2011, instando a unha solución para o enganche das nosas casas.*
- Por último, indicar que con rexistro de entrada nº 13766 de data 7 de novembro de 2014 preséntaselle copia da sentenza inapelable do Xulgado do Contencioso - Administrativo que obriga a xxxxx, a “reponer las cosas a su estado anterior”. É dicir; desocupar o camiño e abrir o rego público. Dita sentenza ten data de 24 de setembro de 2013.*

Xa que logo, solicito:

1.- Que o Concello actúe en defensa do que é público, amparando ao vecindario no que a Xustiza lle dá a razón.

2.- Que se acometa xa o enganche á rede de saneamento das dúas únicas casas que,

podendo telo, non o teñen na aldea de Piñor -Agrón.

En Ames 17 de novembro de 2014”

Continúa **Ramón García Argibay**: Simplemente lle rogo que atenda a esta veciña e que intente solucionar o problema, na medida do posible.

Décimo quinto rogo.- O tema da luz en Raíces, Alfredo, seguen sen luz.

Décimo sexto rogo.- En Bugallido, nas beirarrúas hai uns ocos, hai que tapalos. En Bugallido, cerca da farmacia.

Intervén o **alcalde**, para dicir: Por matizar o tema, no caso desa conexión, ata onde eu sei non foi a concelleira Eugenia, foi o concelleiro Alfredo con Paco Villaverde un día a ver uns problemas duns veciños e de paso foron a ver ese problema.

Contesta **Ramón García Argibay**, que di: Bueno, eu dou lectura.

Décimo sétimo rogo.- Intervén novamente **Emilio Martínez Carballeira** (para facer outro rogo que se lle esqueceu anteriormente) e di: na entrada de Bertamiráns hai un trozo diante dun edificio que está sen beirarrúas, e están tendo uns problemas tremendos porque resulta que incluso lle están aparcando os coches na entrada do edificio e hai fotos. Isto foi presentado por rexistro o 7 de novembro do 2014, co número 15612.

Contesta o **alcalde**: Xa se falou con eles.

Intervén a concelleira **María González Gómez** para formular os seguintes rogos:

Décimo oitavo rogo.- Na praia fluvial de Tapia, os días que veu o temporal caeu unha das árbores grandes. Intervén o **alcalde** para preguntar: ¿Que día caeu? É dicir, ¿foi estes días ou hai tempo?.

Contesta **María González Gómez**: Eu vino a semana pasada; esta semana pasei por alí para ver si fora alguén do Concello ou non para dicilo porque é un dos grandes, e non sei se partiu algo do muro, pero por si acaso, que despois non veñan as enchentas e haxa atrancos.

Intervén o **alcalde** para dicir: O único dicirlle que cando vexa unha árbore que caeu, non tarde 15 días en dicilo esperando ó pleno, comuníqueillo á brigada porque así poderán ir a retiralo antes, por operatividade.

Intervén o concelleiro **José Blas García Piñeiro** para formular os seguintes rogos:

Décimo noveno rogo.- Para o concelleiro de obras. A estrada que vai dende O Santo a dar O Outeiro, en Maguxe, está bastante mal un tramo. Eu creo que se lle pode facer algo.

Vixésimo rogo.- Rogaríalle ao alcalde que nos informase do que vai facer coa proposta de ordenanzas que presentamos fai 15 días por rexistro, se vamos a falar sobre elas ou se as arquivou nalgún caixón sen dicir nada.

Intervén o concelleiro **José Miñones Conde** para formular os seguintes rogos:

Vixésimo primeiro rogo.- É un rogo dun veciño sobre a poda de árbores no Milladoiro, enfronte as oficinas municipais, xunto á farmacia. Parece, ademais, que hai unha soa farola e que lle da sombra. Hai dous escritos presentados sobre este tema.

Vixésimo segundo rogo.- Que cando vaia a facer poda de árbores non faga tala de árbores, e se o fan que cando menos consulten primeiro de quen son. Concretamente,

falo de Aldea Nova, dos arbores do centro de usos múltiples, porque que eu saiba pertencen a Ruafer.

Vixésimo terceiro rogo.- Se dea acceso ó grupo socialista á documentación das escolas deportivas. Hai mais de dúas semanas que presentamos un escrito para poder ver os informes e espero que nos dea acceso a esa información.

E non habendo mais asuntos que tratar, o señor alcalde presidente deu por rematado o acto e levantou a sesión ás vinte e tres horas e cincuenta e oito minutos do día 27 de novembro de 2014, de todo o que eu como secretaria certifico.

Visto e praxe
O alcalde

A secretaria